

中華民國十四年九月

治國學門徑

上海尋源中學印行

中華民國十四年九月初版

治國學門徑

定價大洋四角

編輯者 吳興湯濟滄

發行者 上海文科專修學校

新開路北成都路七百四十九號

印刷者

上海市大東門內
上海交通印刷公司

電話 五一六號

分售處

上海西門斜橋尋源中學
上海河南路中華書局
上海棋盤街易堂書局
上海福州路世界書局

文科專修學校國文學系課程

此校現分國文英文兩專科，茲將其國學課程錄后：

第一古文類 唐宋八家及唐以後散文 第一二年選講選讀每週一時

第二小說類 短篇小說（晉唐以後） 長篇小說（宋元以後） 第一年選講選讀每週二時

第三詞章類 文選 駢體文鈔 第二年選講選讀每週二時

第四詩詞類 毛詩 古詩 唐詩 宋以後詩詞選 第一二三年選講選讀每週二時

第五小學類 形義學（鐘鼎及甲骨文屬之） 音韻學 爾雅學 第一年講授每週三時 第二年講授

每週一時

第六沿革地理類 讀史方輿紀要敘論 第一年講讀每週一時

第七典制類 三通序 第二年選講選讀每週一時

第八國史類 左傳（閻采公羊傳穀梁傳國語數書） 戰國策 史記 漢書 資治通鑑或通鑑輯

覽（此書由學者自行閱看，每週限看若干頁，作問答一次，第一二三年同。） 第一年選講選讀每週

四時 第二年每週三時

第九諸子類 儒家（論孟荀） 道家（老莊） 墨家（墨） 法家（管韓） 雜家（呂氏春秋）

兵家（孫） 第二年選講選讀每週二時 第三年每週三時

第十漢代遺書類 淮南子 韓詩外傳 春秋繁露 鹽鐵論 論衡 說苑 潛夫論 申鑒 昌言

中論 第三年選講選讀每週四時

第十一宋學類 宋元明儒學案 第三年選講每週一時

第十二經籍類 周易 尚書 禮記 周禮 儀禮 孝經（餘已見前） 第三年選講選讀每週一時

第十三印度哲學類 佛經 第三年選講選讀每週二時

第十四標準科學類 文學概論 言語學 論理學 哲學概論 審美學 第二三年演講每週一時

第十五書法類 鐘鼎 篆隸 大小楷 行書 草書 第一二年講授每週一時

青年應具常識，為教課所未及者，每週請名人講演一次，以補充之。

本校選用學者應讀各書，分年教授，注重講解誦讀，俾來學者，不論男女，均可由淺入深，立定基礎，三年畢業，升入大學，決可另習一科，因教授方法，無異中小學校，而課程則甚切實而博大也。茲甄錄我國大學文科各門及高等師範本科各部現行科目於左，以資比較：

大學文科中國哲學類科目

一中國哲學(周易毛詩儀禮禮記春秋公穀傳論語孟子周秦諸子宋理學) 二中國哲學史 三宗教學 四心理學 五倫理學 六論理學 七認識論 八社會學 九西洋哲學概論 十印度哲學概論 十一教育學 十二美學及美術史 十三生物學 十四人類及人種學 十五精神病學 十六言語學概論

又國文學類科目

一文學研究法 二說文解字及音韻學 三爾雅學 四詞章學 五中國文學史 六中國史 七希臘羅馬文學史 八近世歐洲文學史 九言語學概論 十哲學概論 十一美學概論 十二論理學概論 十三世界史

又中國史及東洋史學類科目

一史學研究法 二中國史(尙書春秋左氏傳秦漢以後各史) 三塞外民族史 四東方各國史 五南洋各島史 六西洋史概論 七歷史地理學 八考古學 九年代學 十經濟史 十一法制史(周禮各史志通典通考通志等) 十二外交史 十三宗教史 十四美術史 十五人類及人種

學

高等師範學校本科國文部科目

一倫理學 二心理學及教育學 三國文及國文學 四英語 五歷史 六哲學 七美學 八言

語學 九體操

又歷史部地理部科目

一倫理學 二心理學及教育學 三歷史 四地理 五法制經濟 六國文 七英語 八考古學

人類學 九體操

大學及高師所定課程，當係參用東西洋各校所施行者，第按之國情，實不甚合，似尚可切實一點，一與本校課程參較，即可明白，大有研究改良之必要也，未識閱者以爲何如？

尋源中小學校國文教材

此係普通學校國英算均注重，茲將其國學教材錄后：

識字 在小學時代，按日識應用字若干，參用文字構造原理，順序教授之。

國文讀本

(重在熟讀背誦)

論語

孟子

毛詩

上三書全讀，質地較佳者，兼讀大學中庸孝經

老子數書

戰國策

唐宋八家及唐以後散文

朱子小學

古詩源

唐詩別裁

小學弦歌 以

上在小學時代選讀，未完者，得於升中學後，繼續誦習。

史記

文選

歷朝詩

詞曲

以上在初中

時代選讀。

國文講本

(重在回講，抽問，摘默要字)

童話

小小說

中外故事

短篇小說

普通尺牘 名

人書簡文

其他

書法

鐘鼎

篆隸

大小楷

行書

用國文教授之科學

本國史

本國地理

博物學

或問尋源所讀之書，與文專多重複者，甚宜變通辦理，否則不且減少學者興味乎？應之曰：我國應讀之書，祇有此數。學者能領略溫故知新之益，進步始可斷言，益熟習則成效益著。善讀書者必能深信此言也。若專求講讀新書，可背誦者寥寥無幾，是徒費光陰，讀與不讀等耳，爲利爲害，關係甚巨，幸忍心耐性以求之！

補。

白。

吳履泰讀書一章示及門

讀書無源委，有如斷港流。濡潤涖蹄閒，不能溉田疇。
驕陽涸原澤，能有點滴不？苟能探其要，河漢當清秋倒注。
屈千里中有萬斛舟。六籍開其源，羣史決其構，精華吸百
氏，下逮騷人儔。元元復本本，千載窮冥搜。以此負文雄，氣
盛言畢浮。奈何末學徒，顛倒不自尤。童髻髮未燥，猥以詞
賦投。譌言復舛韻，數殼聲啾啾。小年資弄舌，學語成呶呶。
問以經史事，茫然張兩眸。俗學吁可嗟！舉世多謬悠！古人
誦亡書，三篋探諸喉。吾歌爲此詩，非敢相嘲咻。持告爾小
子，庶以鑒萌修。

治國學門徑目次

曾滌生家訓

補白 左氏傳一則

章太炎中學國文書目

補白 十三經注疏一覽

任公國學入門書要目及其讀法

附錄一 最低限度之必讀書目

附錄二 治國學雜話

附註一 尙書篇目次第一覽

附註二 二十四史一覽

補白 曾滌生覆鄧寅皆書節錄

胡適之一個最低限度的國學書目

附錄 實在的最低限度的書目

傅屯艮中學適用之文學研究法

治國學門徑目次

補白 讀書宜有門徑（節錄輶軒語）

沈信卿國文自修書輯要摘錄

徐敬修國學常識摘錄 參用章太炎清儒篇及經學教科書說

附錄 前漢書藝文志簡表 研究古韻分部表

補白 古文縮文甲骨文之重要書籍 節錄弟子職語 張繹座右銘

湯濟滄中小學國學書目

附說 讀書辨惑

附錄一 作詩門徑（一）辨四聲法（二）辨平仄法

附錄二 或問（一）紐與韻（二）反切（三）雙聲疊韻

附錄三 習字略說

附錄四 佛學入門書目一覽

特別啓事 一則

補白 翁森四時讀書樂

各家書目比較略表

附 文科專修學校國文學系課程

尋源中小學校國文科教材

補白 吳履泰讀書一章示及門

治國學門徑

吳興湯濟滄編輯

曾滌生家訓一通

咸豐九年四月二十一日，字諭紀澤：前次於諸叔父信中，復示爾所問各書帖之目。鄉間苦於無書，然爾生今日，吾家之書，業已百倍於道光中年矣。買書不可不多，而看書不可不知所擇。以韓退之爲千古大儒，而自述其所服膺之書，不過數種：曰易，曰書，曰詩，曰春秋，左傳曰莊子，曰離騷，曰史記，曰相如，子雲，柳子厚自述其所得正者，曰易，曰書，曰詩，曰禮，曰春秋，旁者，曰穀梁，曰孟荀，曰老莊，曰國語，曰離騷，曰史記。二公所讀之書，皆不甚多。本朝善讀古書者，余最好高郵王氏父子，曾爲爾屢言之矣。今觀懷祖先生讀書雜志中所考訂之書，曰逸周書，曰戰國策，曰史記，曰漢書，曰管子，曰晏子，曰墨子，曰荀子，曰淮南子，曰後漢書，曰老莊，曰呂氏春秋，曰韓非子，曰揚子，曰楚辭，曰文選，凡十六種。又別著廣雅疏證一種。伯申先生經義述聞中所考訂之書，曰易，曰書，曰詩，曰周官，曰儀禮，曰大戴禮，曰禮記，曰左傳，曰國語，曰公羊，曰穀梁，曰爾雅，凡十二種。王氏父子之博，古今所罕，然亦不滿三十種也。余於四書五經之外，最好史記，漢書，莊子，韓文四種。好之十餘年，惜不能熟讀精考。又好通鑑，文選及姚惜抱所選古文辭類纂，余所選十八家詩鈔四種，共不

過十餘種。早歲篤志爲學，恆思將此十餘書，貫串精通，略作劄記，仿顧亭林王懷祖之法。今年齒衰老，時事日艱，所志不克成就，中夜思之，每用媿悔。澤兒若能成吾之志，將四書五經及余所好之八種，一一熟讀而深思之，略作劄記，以志所得，以著所疑，則余歡欣快慰，夜得甘寢，此外別無所求矣。至王氏父子所考訂之書二十八種，凡家中所無者，爾可開一單來，余當一一購得寄回。學問之途，自漢至唐，風氣略同；自宋至明，風氣略同；國朝又自成一種風氣，其尤著者，不過顧閻百詩戴東原江慎修錢辛楣秦味經段懋堂王懷祖數人，而風會所扇，羣彥雲興，爾有志讀書，不必別標漢學之名目，而不可不一窺數君子之門徑。凡有所見所聞，隨時稟知，余隨時諭答，較之當面問答，更易長進也。

取會訓與下列章梁等文比較，則章梁等所認爲中學書目者，自會言之，已可爲國學專家之書目矣。學者不可不知。（濟）

補

白

左氏傳昭公十八年，秋，葬曹平公。往者，見周原伯魯焉，與之語，不說學。歸以語閔子馬，閔子馬曰：周其亂乎！夫必多有是說，而後及其大人患失而惑，又曰：可以無學，無學不害；不害而不學，則苟而可。於是乎下陵上替，能無亂乎！夫學殖也，不學將落，原氏其亡乎！

章太炎中學國文書目

引

余既爲救學弊論，或言專務史學，亦恐主張太過，求爲中學作國文書目，意取博汎，不專以史部爲主。于是勉作斯目，願終不以自奮前論。窮研六書，括囊九流，余素殫精於此，而前論皆以爲不亟。蓋亂世之學，不能與承平同貫也。是目但爲中學引導，知者當識其旨趣。

目：

凡習國文，貴在知本達用，發越志趣，空理不足，矜浮文不足，尙也。中學諸生，年在成童以上，記誦之力方強，博學篤志，將從此始。若導以佻奇，則終身無就。今列應習書目如左，或誦或閱，或由教師選授，雖非舊術，以限於時序，有不得已而爲之爾。

▲尙書孔傳

選誦選講

孔本有僞古文經二十五篇，宜簡去。其稱孔亦是託名，正當稱枚傳。今不用。

段孫二家尙書者，以段祇攷正文字，孫編次古注，未有裁決故。

參攷書

惠氏古文尙書攷

劉氏書序述聞

胡氏禹貢錐指

▲毛詩傳鄭箋

全誦全講

詩多與國政相系，不得以閭巷歌謠視之。鄭箋稍短，而詩譜最要。

參攷書 胡氏毛詩後箋

▲周禮鄭注 全誦全講 周禮爲官制之原，歷代不能出其範圍，不限於封建郡縣也。唐六典明會典

清會典編次之法，皆依周禮。杜及三鄭注並精善，後儒不能加。

參攷書 惠氏禮說 江氏周禮疑義舉要 孫氏周禮政要

▲春秋左傳杜解 選誦選講 左氏詳述行事，括囊大典，前代史志暗昧，至是始明徵其辭。漢儒牽附

公羊，動成違戾，故後代以杜解爲正，本非蔑古。

參攷書 杜氏春秋釋例 顧氏春秋大事表

右經部 唐時以九經並列，宋以來合論語孝經爾雅孟子則爲十三。今祇列書詩周禮春秋左氏者，

以爲經本古史之流，法制莫備於周禮，而儀禮禮記其細也。三古大事，略具於尙書。東周以上詩亦以韻文

補之。春秋大事，莫備於左氏，而公羊穀梁不具也。若論語孝經孟子，則諸生多已誦習，不煩重舉。周易則義

旨淵深，不可猝解。爾雅則今與說文廣韻同編，故此祇取四經爲主，觀其經法行事，足以識古。猶懼義訓與

密，篇第雜亂，事狀深隱，故特存參攷書，以備講習。然皆依於大體，不流於瑣碎也。若夫今文古文之爭，漢學

非漢學之辨，此專志於經者所有事，非學校教授所及也。

（附註）章氏叢書檢論四清儒篇有論十三經一節，足資參考，摘錄如次：

（上略）流俗言十三經，

孟子故儒家宜出。唯孝經論語，七略入之六藝，使專爲一種，亦以尊聖泰甚，徇其時俗。六藝者官書，異于口說，禮堂六經之策，皆長二尺四寸，孝經謙半之，論語八寸策者，三分居一，又謙焉。以是知二書故不爲經，宜隸論語儒家，出孝經，使傳禮記通論，即十三經者，當財減也。獨段玉裁少之，謂「宜增大戴禮記，國語，史記，漢書，資治通鑑及說文解字，周髀算經，九章算術，皆保氏書數之遺，集是八家，爲二十一經。」其言閎達，爲雅儒所不能論。（下略）

▲史記 選誦選講 史記爲諸史之宗，文章雖美，而用在實錄。勿以文人之見求之。

參攷書 梁氏史記志疑

▲資治通鑑 選閱選講 通鑑攷定正史之誤，且多補苴闕軼，故獨爲信史，非專以貫穿紀傳爲能。

▲續通鑑 選閱選講 此書不如通鑑甚遠，然捨此亦無他書可代。

▲明通鑑 選閱選講 述明征撫東夷及明清和戰事，亦有曲筆，大體可觀。

▲清五朝東華錄 蔣良騏選閱選講 此書雖簡略，以直筆不諱爲美。清初事狀，或有緣飾，則仍實錄

方略之謬爾。

史部地理總參攷書 顧氏方輿紀要 洪氏乾隆府廳州縣志

右史部。史之發人志趣益人神智其用實倍於經非獨多識往事而已。漢儒通經致用中興二十八

將則多習左氏及昭烈課子仲謀教呂蒙始用漢書三史自是通史致用遂爲通則人不習史論者不過爲鄉里善人庸者則務在衣食室家而尙奇者或爲亂政之魁清末至今其弊可見大抵學校專趣口講則部帙廣博者不便非空言籠罩則偏詳皇古而略近代含實取虛背明向暗所謂好畫鬼魅惡圖犬馬者矣或取紀事本末爲說然年月闊略須附紀傳編年以行事各爲志亦於當時利病相隔終不可以爲訓也今者趣重目治得救口講之弊導原史記以存三古周秦大略其後則專以通鑑爲主唯清代未有專書王氏東華錄有文牘而無行事且亦饒蕪寡要略涉忌諱徑與刪除尤爲阿諛故采蔣氏書備數如此尙得七百餘卷比於全史雖止四分之一中學猶不能盡習其閒亦有碎事無關得失者故以選閱選講約之高才之士亦不以此爲限也讀史者不識郡縣建置如行棋無局故以顧洪二家爲總參攷書

▲老子王弼注 全閱略講 老子本內聖外王之書切弗比附羽流致成迷罔王注以上韓非解老喻

老最善其河上公注出於僞託不足觀也

▲莊子郭象注 選閱略講亦可選誦 天下篇爲莊子自序依此可得指歸

▲荀子揚倮注 選閱選講亦可選誦

荀子體大慮周，與孟子立異，古者道統之說未興，自漢至唐，孟

荀二子同稱大儒，宋以來漸被排擯，此執一之誤。

▲韓非子 選閱選講亦可選誦

韓非有法有術，近人徑以刀筆吏爲習申韓，大謬。

▲呂氏春秋高誘注 選閱選講亦可選誦

呂氏本雜家，凡周秦諸子之說，今已無存者，可藉此窺其

一二。

▲中論 選閱選講亦可選誦

中論述朋黨之弊，足爲近時鑒戒。申鑒亦相似，或謂徐偉長以此阿附

魏武，然抱朴外篇亦有是論，異世同聲，又何所阿附也。

▲申鑒 選閱選講亦可選誦

▲顏氏家訓 選閱選講

家訓實質平易，不爲高談，鍼砭末俗，至今可用。惟涉及階級者宜省。

▲文中子 選閱選講

文中子雖僞書，然評事多當，且亦其子孫所託，非絕無緒言。

▲二程遺書 選閱選講

明道疏通，伊川錮蔽，此陸子靜之言也。觀遺書，當取其高明光大之論爲主，

若後人所譏支離之病，此則朱學有之，伊川無是也。

▲王文成公全書 傳習錄文錄等 選閱選講

王湛同稱，湛之學本陳公甫，聰明闊達，陳或過王，其書